



Pohlad na Hodzijski hosćenc „K jelenjej“, jako hišće žadyn sněh njeležese. Restawrant wot spočatka přichodneho lěta wobšěrnje přetwarja a kónc februara zaso wotewru. Foto: SN/M. Bulank

Hosćenc w Hodziju so derje wuwil – nětko jón wobšěrnje přetwarja

Jeničce kamin ma hišće na stare časy dopominać

Hodžij (SN). Mjeztym zo někotryžkuli hosćencar na wsy přemalo hosći dla skorži, chce mějićel Hodzijskeho hosćenca „K jelenjej“ klětu swój poskitk a serwis samo rozšěrić. Za to dom při B 6 wosrjedz wsy napřečo něhdyšemu krajnemu sudnistwu wobšěrnje přetwarja. Tohodla wostanje hosćenc wot 1. januara 2011 wosom tydzenjow zawrjeny.

Před nimale dokładnje šěsć lětami je Timo Reichelt dom přewzał. Tehdy však njeje sej wón předstajić móhl, zo

změje gastronomiske předewzaće tak dobry wothlós. Po spočatnych čezach z eksternymi dodawarjami jědžow wari šef wot jutrow 2006 sam a zastaruje kónc tydzenja hač do 500 hosći.

Po poł lěće planowanja maja so spočatk noweho lěta wobšěrne twarske džěla započec. Za to su nowe nutřkowne wuhotowanje runje tak zdžěłali kaž nowy hosćencarski koncept, kotryž mjez druhim předwidzi, zo změja tež woty-dzenja wočinjene. Přerjona přistajena swo-

je zrěčenje hižo ma. To jeničke, štož ma potom hišće na stare časy dopominać, budže kamin.

DO KINA

**Budyske filmowe džiwadlo
wot 2.12. do 8.12.**

wšědnje 14.45 hodž. (nimo čtw a cri)